



# RÍKISLÖGREGLUSTJÓRINN

ALMANNAVARNADEILD



## FUNDUR VÍSINDAMANNARÁÐS ALMANNAVARNA

Dags: 03.02.2015	Kl.: 09:30	Staðsetning: Björgunarmiðstöðin í Skógarhlíð.
<b>Fundarefní: Umbrotin í Bárðarbungu</b>		
<b>Fundinn sátu: Vísindamenn frá Veðurstofu Íslands og Jarðvísindastofnun Háskólans, ásamt fulltrúum frá almannavarnadeild ríkislögreglustjóra, Sóttvarnarlækni og Umhverfisstofnun.</b>		

<b>Meginefni fundar</b>
• Eldgosið í Holuhrauni
• Loftgæði
• Sviðsmyndir

<b>Fundargerð</b>
<ul style="list-style-type: none"><li>Eldgosið í Holuhrauni heldur áfram. Lítið ef nokkuð virðist hafa dregið úr gosinu síðustu vikurnar.</li><li>Mikil jarðskjálftavirkni er enn í Bárðarbungu. Fimm skjálftar hafa mælst á bilinu M4,0-4,6 frá síðasta fundi Vísindamannaráðs á föstudag. Sá stærsti mældist M4,6 í gær mánudag kl. 21:35. Rúmlega tíu skjálftar mældust á milli M3,0-3,9 á tímabilinu. Alls hafa mælst tæplega 130 skjálftar í Bárðarbungu frá því á föstudag, eða á milli 20 og 30 skjálftar á dag. EKKI hefur mælst skjálfti yfir M5,0 að stærð frá 8. janúar.</li><li>Í kvikuganginum hafa mælst um tíu skjálftar á dag frá því á föstudag. Allir skjálftanna eru undir M2,0 að stærð.</li><li>GPS mælingar við norðurjaðar Vatnajökuls sýna áframhaldandi hægar færslur í átt að Bárðarbungu.</li><li>Á laugardag mældist 2300 µg/m³ SO2 á Höfn í Hornafirði.</li><li>Vinna við nýtt hættumat fyrir gossvæðið stendur nú yfir. Reiknað er með því að henni ljúki í næstu viku.</li><li><b>Loftgæði:</b><ul style="list-style-type: none"><li>Í dag (þriðjudag) má í fyrstu búast við talsverðri gasmengun víða í kringum Holuhraun, en norðaustur og austur af upptökunum síðdegis. Á morgun (miðvikudag) berst mengunin einkum austur af eldstöðvunum.</li><li>Tvennskonar tveggja daga spár eru gerðar vegna mengunar frá eldgosinu. Annars vegar er um að ræða textaspá með kortum sem gerð eru af veðurfræðingi á vakt, sjá <a href="#">Gas spá</a>. Hins vegar er hægt að skoða sjálfvirkt <a href="#">Gas líkan</a>, en þetta er tilraunakeyrsla sem er í þróun og taka ber með <a href="#">fyrirvara</a>. Veðurstofan og Umhverfisstofnun biður fólk að <a href="#">Skrá mengun</a>, verði það hennar vart og þeim áhrifum sem það verður fyrir.</li><li>Hægt er að fylgjast með mælingum á loftgæðum á síðunni <a href="http://www.loftgaedi.is">www.loftgaedi.is</a> þar eru einnig aðgengileg gögn frá handmælum sem eru víða um land.</li></ul></li><li><b>Leiðbeiningar:</b><ul style="list-style-type: none"><li>Ef fólk finnur fyrir óþægindum er mælt með að halda sig innandyra, loka gluggum, auka kyndingu og slökkva á loftræstingu. Gott er að lofta vel út þegar loftgæði eru góð. Fólk sem finnur fyrir óþægindum er hvatt til þess að hafa samband við sína heilsugæslustöð. Tafla um viðbrögð við loftmengun hefur verið birt á vef Umhverfisstofnunar <a href="http://www.ust.is">www.ust.is</a>. Hægt er að fylgjast með mælingum á loftgæðum á síðunni <a href="http://www.loftgaedi.is">www.loftgaedi.is</a>. Veðurstofan birtir textaspár á vef sínum og viðvaranir eftir því sem aðstæður breytast.</li></ul></li></ul>



# RÍKISLÖGREGLUSTJÓRINN

ALMANNAVARNADEILD



- Tilmæli og leiðbeiningar má finna hjá [Umhverfisstofnun](#) og [Embætti landlæknis](#), m.a. töflu um [rétt viðbrögð](#).
  - Veðurstofan birtir spár um útbreiðslu brennisteinstvíldis á vef sínum eins og greint er frá hér að ofan og þær eru einnig lesnar með veðurfregnum í útvarpi. Leitast er við að koma spánum til skila í sjónvarpsveðurfréttum.
  - Umhverfisstofnun hefur dreift handmælum víða um land til að bæta upplýsingaöflun um dreifingu mengunarinnar og niðurstöðurnar má sjá bæði á vef hennar og Veðurstofunnar.
  - Hægt er að senda inn fyrirspurnir og upplýsingar til Umhverfisstofnunar vegna loftmengunar á netfangið [gos@ust.is](mailto:gos@ust.is) Umhverfisstofnun óskar sérstaklega eftir upplýsingum frá fólk sem hefur orðið vart við mikla mengun; hvar það varstatt, tímasetningu, lýsingu á gasmekki, eins og lit og skyggni, og lýsingu á áhrifum (sviði í augum o.s.frv.).
- Gosið hefur staðið í rúmlega fimm mánuði, enn er mikið hraunflæði í Holuhrauni og sigræði öskju Bárðarbungu verulegur. Þrír möguleikar eru taldir líklegastir um framvinduna:
- Gosið í Holuhrauni heldur áfram þar til öskjusig í Bárðarbungu hættir. Gosið getur varað í marga mánuði enn.
  - Gosvirkni færst til suðurs undir Dyngjujökul og veldur jökulhlaupum og gjóskufalli. Einnig er mögulegt að sprungur opnist annars staðar undir jöklínnum. Ef slíkt gos yrði langvinnt gæti það breyst í hraungos.
  - Gos í öskju Bárðarbungu. Slíkt gos gæti brætt mikinn ís og valdið verulegu jökulhlaupi. Öskufall gæti orðið nokkurt.
- EKKI ER HÆGT AÐ ÚTILOKA AÐRAR SVIÐSMYNDIR.
- **Frá Veðurstofu Íslands:** Litakóði fyrir flug er áfram appelsínugulur fyrir Bárðarbungu.
  - Næsti fundur Vísindamannaráðs verður föstudaginn 6. febrúar, 2015.

Ríkislöggreglustjórin almannavarnadeild [www.almannavarnir.is](http://www.almannavarnir.is) [www.avd.is](http://www.avd.is) Twitter: [@almannavarnir](https://twitter.com/almannavarnir)